

## Cyngor Cymuned Llanddeiniolen

### Cofnodion Cyfarfod y Cyngor a Gynhaliwyd yn Ysgol Gymuned Penisarwaun Nos Fawrth 5ed Ionawr 2016

**Yn bresennol :-** Y Cadeirydd Miss Phyllis Ellis a'r Cynghorwyr, Sion Jones, Elfed Williams, Richard Ll. Jones, Idris Thomos, a R. Hefin Williams.

**Gweddi.** Offrymwyd gair o weddi gan Richard Ll. Jones

Rydym fel Cyngor yn Chydymdeimlo a theulu Twm John a fu mor weithgar yn ardal Llanberis, ond wedi cael cysylltiad mawr gyda phlant a phobl ein plwyf ni yn Llanddeiniolen.

**Ymddiheuriadau.** Phyllip Jones, Aled Green, Carolyn Roberts, Geraint Elis, Rhian Evans

**Datgan buddiant.** Dim

### **Cofnodion cyfarfod 1af Rhagfyr 2015.**

Derbyniwyd y cofnodion fel rhai cywir.

### **Materion o'r cofnodion**

**Rhoddion Ariannol** – Derbyniwyd 2 lythyr o ddiolch gan gymdeithasau lleol a dderbyniodd rodd ariannol gan y cyngor.

**Adnewyddu Tai Bryntirion** – Derbyniwyd ymateb i'r llythyr a yrrwyd i sylw Mr. Ffrancon Williams, Prif weithredwr CCG. Gobeithir yn wir gychwyn ar y gwaith sydd angen ei wneud ym mis Chwefror, pan fydd y gwaith papur cyfreithiol i gyd wedi ei gwblhau. Disgwilir i'r gwaith gymeryd hyd at 6 wythnos i'w gwblhau. Mae CCG yn rhoi addewid eu bod yn ceisio gwneud popeth posib i drïo hwyluso'r gwaith er mwyn gallu symud tenantiaid yo ôl i'w cartref, ac i sicrhau nad oes gan CCG eiddo yn sefyll yn wag.

**Biniau Halen** – Derbyniwyd ymateb o priffyrdd yn cadarnhau fod biniau halen yn mynd i gael eu ail osod/atgyweirio yn yr ardaloedd lle roedd pryder yn Rhiwlas.

Mae gwaith ymchwil ynghylch côst y biniau halen ar ôl Ebrill 2016 dal yn mynd ymlaen.

**Glanhau Systemau Draenio** – Cafwyd llythyr yn datgan fod rhaglen glanhau penodol yn bodoli, ac hefyd yn dilyn hyn yn ceisio rhoi mwy o sylw i'r ardaloedd rheini sydd yn tueddu i flocio neu lle mae hanes o lifogydd yn amlach.

### **Gohebiaeth a materion eraill**

**Cyfyngiadau Parcio Bethel** – Derbyniwyd llythyr i'n rhybuddio fod na ystyried cyflwyno neu ddiddymu cyfyngiadau parcio mewn 3 lleoliad ym Methel.

**Un Llais** – Bu i 2 aelod fyfnychu y cyfarfod ardal o Un Llais. Yn y cyfarfod soniwyd fod cais wedi ei roi i gael Statws Treftadaeth yn ardaloedd y diwydiant llechi a Chwareli. Gallai hyn fod o fudd i ddatblygu yr economi yn yr ardaloedd yma. Gobeithio bydd penderfyniad oddeutu canol mis Mawrth.

### **Cynllunio**

**Glasgoed Hall** – Addasiad mewnol i dŷ anedd.

### **Gwefan**

Trafodwyd dogfennau perthnasol a'r gwybodaeth oedd Delwedd ei angen i orffen adeiladu'r Wefan.

### **Cyllido**

Penderfynwyd nad oedd digon yn bresennol i roi barn ar hyn yn y cyfarfod. Serch hynny, roedd y clerc wedi paratoi rhestr o'r taliadau sefydlog sydd angen cyllido ar eu cyfer yn

flynyddol.

## **O gwmpas y Bwrdd**

**Llifogydd** – Daeth awgrymiad fod Cyfoeth Naturiol Cymru yn rhoi caniatad i First Hydro ollwng dŵr o Marchlyn Bach sydd yn cyfrannu at lifogydd ym Mrynrefail, gan fod y dŵr yn mynd lawr drwy afon Caledffrwd, ac yn gorffen i fyny ym Mrynrefail. Gofynwyd i'r clerc ysgrifennu at Cyfoeth Naturiol Cymru yn ymchwilio.

**Gwasanaeth Brys Ambiwllans** – Daeth i sylw fod un trigolyn hŷn ein hardal wedi disgyn gartref, ac wedi cael anafiadau. Bu yn disgwyl am oddeutu awr a hanner am paramedic. Penderfyniad y paramedic oedd galw am ambiwlans i fynd a'r claf i'r ysbyty. Gan fod y claf wedi cael annaf pen, roedd yn rhaid i'r paramedic aros gyda'r claf, a buont yn disgwyl am 6 awr i'r ambiwlans gyrraedd. Rhaid cofio bod y gwasanaeth yma i fod i gyrraedd mewn 8 munud. Clerc i yrru llythyr i Wasanaeth Betsi Cadwaladr.

**Cronfa Ddŵr Terfyn** - Mae llifogydd ofnafwy yn dod lawr Lôn Gerrat o Gronfa Ddŵr Terfyn sydd yn gorlifo i'r lon ac i lawr heibio Capel Sardis yn Ninorwig, clerc i gysylltu a Cyngor Gwynedd.

**Groesfan King Arthur** - Mae ceir yn parcio yn agos i groesfan King Arthur. Clerc i roi cais yn gofyn oes posib llinellau melyn i arbed hyn.